

81 ur í Rangárvallasýslu (sbr. landshöfðingjabrjef 11. júlí 1892, Stj.tíð. 1892 B, bls. 15. maí 163) sje eptirleiðis nefndur *Ásahreppur*.

82 Brjef ráðgjafans fyrir Ísland til landshöfðingja viðvikjandi þingsályktun um að
27. maí birta í Stjórnartíðindunum tillögur landshöfðingja, er synjað er lagafrumvörpum eða þingsályktunum. — Þjer hafið, herra landshöfðingi, með þóknanlegu brjefi, dags. 12. okt. f. á., sent hingað þingsályktun, sem samþykkt var á aukabinginu í fyrra, þess efnis, að skora á ráðherra Íslands að hlutast til um, að í hvert skipti sem einhverju lagafrumvarpi frá alþingi er synjað konungsstaðfestingar, eða neitað er að sinna einhverri þingsályktun frá annari eða báðum deildum alþingis, verði tillögur landshöfðingja til ráðaneytisins um málið birtar í B.-deild Stjórnartíðindanna.

Út af þessu læt jeg ekki hjá líða þjónustusamlega að tjá yður til þóknanlegrar leiðbeiningar og birtingar í B.-deild Stjórnartíðindanna, að ráðaneytið skal ekkert hafa á móti því, að reglu þeirri, sem fylgt hefir verið að undanfögnu, að skýra frá tillögum landshöfðingja í ráðgjafabrjefi því til hans, er flytur úrskurð ráðgjafans, og sem síður er að birta í B.-deild Stjórnartíðindanna þegar svo stendur á, sem þingsályktunin greinir, sje eptirleiðis hagað svo, að tillögubrjef landshöfðingja sje birt orðrjett ásamt ráðherrabrjefinu.

83 Brjef ráðgjafans fyrir Ísland til landshöfðingja viðvikjandi þingsályktun um
27. maí stofnun almenns ábyrgðarsjóðs fyrir fiskiveiðapílskip á Íslandi. — Með þóknanlegu brjefi dags. 12. okt. f. á. hafið þjer, herra landshöfðingi, sent hingað þingsályktun, samþykkt af báðum deildum alþingis, þar sem skorað er á stjórnina að leggja fyrir alþingi 1895 frumvarp til laga um stofnun almenns ábyrgðarfjellags fyrir fiskiveiðapílskip á Íslandi, þannig, að landssjóður leggi hæfilegan styrk til stofnunar fjellagsins og viðhalds þess fyrst um sinn, en að öðru leyti sje fjellagið byggt á innbyrðis ábyrgð, og hafið þjer jafnframt af þeim ástæðum, er nákvæmar eru teknar fram í brjefi yðar, látið þá skoðun yðar í ljósi, að þingsályktun þessi sje ekki til þess fallin, að hún sje tekin til greina.

Þessa skoðun yðar verður ráðaneytið að fallast á, og það því fremur, sem komin er beiðni frá nýstofnuðu pílskípaábyrgðarfjellagi við Faxaflóa um landssjóðsstyrk, og mun verða farið fram á nauðsynlega fjárveitingu til þessa í fjárlagafrumvarpinu fyrir 1896 og 1897.

Þetta er hjer með þjónustusamlega tjáð yðar til þóknanlegrar leiðbeiningar og til þess að þjer birtið það í B.-deild Stjórnartíðindanna ásamt ofan nefndu brjefi yðar.

*

*

*

Brjef landshöfðingjans til ráðgjafans er svo hljóðandi: »Á síðasta alþingi samþykktu báðar deildir þess þingsályktun þá, er hjer með fylgir in orginali ásamt danskri þýðingu, og er í henni skorað á stjórnina að leggja fyrir alþing 1895 frumvarp til laga um stofnun almenns ábyrgðarfjellags fyrir fiskiveiðapíls-